



01
9174
PB-28
3489

Bosnia and Herzegovina
Federation of Bosnia and Herzegovina

CANTON SARAJEVO
**Ministry of Physical Planning Construction and
Environmental Protection**

Broj: 05/01-05-33063-1/19 RA
Sarajevo, 24.12.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Odgovor na zastupničku inicijativu – zastupnik Damir Marjanović, dostavlja se

Zastupnik u Skupštini Kantona Sarajevo, Damir Marjanović, na 13. Radnoj sjednici Skupštine Kantona Sarajevo, održanoj dana 25.09.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenuo je inicijativu, kako slijedi:

- "Da se u budžetu za 2020 godinu izdvoje sredstva u iznosu od najmanje 2 miliona konvertibilnih maraka za rekonstrukciju objekata JU studentski centar, sa posebnim osvrtom na paviljone u Studentskom naselju Bjelave.
- Da se u planu aktivnosti za 2020. JU Studentski centar izabere kao prioritarna institucija za realizaciju projekta energetske sanacije koje realizira Ministarstvo prostornog uređenja, građenja i zaštite okoliša sa partnerima."

ODGOVOR:

Ministarstvo prostornog uređenja, građenja i zaštite okoliša Kantona Sarajevo implementira, između ostalog, i projekte povećanja energetske efikasnosti javnih i privatnih objekata s ciljem prevencije zagađenja zraka uslijed produkcije i potrošnje toplotne energije. Kada su u pitanju objekti iz javnog sektora, u okviru Projekta "Zeleni ekonomski razvoj" vrši se zamjena dotrajale i energetske neefikasne vanjske stolarije, radovi na kotlovnica i grijnim tijelima, termoizolacija vanjskih zidova i krovova objekata, priključenje objekata na sistem daljinskog grijanja (čime se direktno smanjuje broj pojedinačnih ložišta) i sl.

Objekti na kojima se vrši energetska sanacija su utvrđeni Studijom energetske efikasnosti javnih objekata u Kantonu Sarajevo, koja je izrađena u okviru pomenutog projekta u saradnji sa UNDP-ijem.

U ovoj godini Kanton Sarajevo je putem Ministarstva prostornog uređenja, građenja i zaštite okoliša započeo aktivnosti na realizaciji novog Projekta pod nazivom "Energijska efikasnost u javnim objektima Kantona Sarajevo", koji bi se trebao finansirati iz sredstava Evropske banke za obnovu i razvoj u iznosu od 10 miliona Eura, od čega su 8 miliona Eura kreditna sredstva, a 2 miliona Eura predstavlja investicioni grant.



U međuvremenu je u okviru navedenog Projekta realizovano nekoliko aktivnosti. Naime, nakon što je Vlada Kantona Sarajevo usvojila predmetni projekat (zajedno sa preliminarnom listom od 40 javnih objekata), započete su aktivnosti na proceduri kreditnog zaduženja. Vlada Kantona je formirala i Jedinicu za implementaciju projekta (PIU), te je izvršena detaljna analiza prvobitne preliminarne liste javnih objekata sa aspekta imovinsko-pravnog statusa objekata, zatim da li su provedene mjere energijske efikasnosti na istim, te aktivnosti na pribavljanju informacija putem nadležnih Ministarstava u smislu da li su na objektima izvođeni radovi bez odobrenja za građenje, te da li se u budućnosti planira izmještanje odnosno promjena namjene objekata i sl. Sve aktivnosti na analizi Preliminarene liste i dopune iste, Jedinica za implementaciju projekta provodila je zajedno sa predstavnicima nadležnih ministarstava i Upravom za geodetske i imovinsko-pravne poslove.

Istovremeno, sagledani su i dodatni javni objekti koji su predloženi od strane resornih ministarstava, kao i objekti za koje su se Ministarstvu prostornog uređenja, građenja i zaštite okoliša ranije obraćale javne ustanove sa molbama za njihovo energijsko utopljanje. U konkretnom slučaju, JU "Studentski centar" uputila je molbu za utopljanje studentskih domova u Nedžarićima i na Bjelavama, pri čemu je za navedene objekte priložena dokumentacija sa procijenjenim vrijednostima energijske sanacije.

Shodno navedenom, a nakon analize dostavljene dokumentacije, Studentski dom Nedžarići i dva paviljona u okviru studentskog naselja Bjelave uvršteni su na konačnu listu od 40 javnih objekata za koje je planirana energijska obnova iz kredita EBRD-a, a koju je dana 19.12.2019. godine usvojila Vlada Kantona Sarajevo.

Naredne aktivnosti uključuju izradu detaljnih energetskih audita i projektne dokumentacije za odabrane javne objekte, a što finansira EBRD-e iz dodatnog granta.

S poštovanjem,



MINISTAR

Damir Filipović, MA prava

Dostaviti:

- ☞ Naslov
- Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

